


百問卷之六



傷寒正受傷寒夾驚

第五十一問

小兒傷寒初得。渾身發熱無汗。多啼笑。看眼急。有如驚風。但用發散退熱。莫令發渴。如渴便欲飲水。不歇當發散。羌活散。三黃散。柴胡散。抱龍丸。或虛煩可用竹葉湯。如嫩小兒。當服洗心散。薄荷散。紅綿散。四肢發汗。自然精神喜悅。感傷寒之重者。當依仲景之法治之。又有傷寒夾驚。先要發散。其乃退熱化痰。截驚乳下。嬰兒抱龍丸。羌活散。加荊芥防風。三黃散。微利。

痰熱。次用柴胡黃芩藥調理。管取向安。葱白湯亦可服。

羌活散

治傷寒風驚熱。或中風體硬。可加麻黃乾葛薏苡仁。

羌活

獨活

前胡

柴胡

川芎

白茯苓

桔梗

枳殼

人參

地骨皮

天麻

各等分

甘草

減半

右剉散。生薑薄荷煎。加蟬蛻治驚熱。

柴胡散

治小兒傷寒無汗。有表症。壯熱。頭疼。身體痛。口乾。煩渴。小便赤。大便秘澀。夾驚。腮腫。

石膏

黃芩

甘草

赤芍藥

葛根

各二錢半

麻黃

去節

柴胡

半兩

右剉散。三歲兒每服二錢。水一盞。生薑少許。葱白三寸。豆豉一撮。煎至七分。不拘時溫服。

三黃散

解傷風熱症

白朮

大黃

蒸

赤芍藥

半兩

黃芩

三錢

麻黃

去節 一錢

桂枝

二錢

右咬咀。生薑一片。棗二枚。水一盞。煎七分。溫服。

抱龍丸

治傷風溫疫身熱。氣粗痰實壅嗽。常服安神鎮驚。亦治疹痘壯熱。小兒宜時與服。

膽星

一兩

天竺黃

二錢

雄黃

二錢

辰砂

二錢

麝香

少許

氣喘有痰加杏

右爲末。煮甘草汁丸。嬰桃大陰乾薄芎湯吞下。

葉石膏湯

治傷寒表裏俱虛。徧身胸煩悶。或得汗已解。內
無津液。虛羸少氣。氣逆欲吐。及諸虛煩。傷寒解
後。傷寒未解。切不可服。

石膏

四兩

半夏

六錢

人參

半兩

甘草

半兩

麥門冬

去心
一兩

右咬咀。每服三錢。生薑一片。粳米五十粒。煎米
熟爲度。去滓溫服。嘔者加生薑三片。竹葉數片。
洗心散

治風壅壯熱。頭目昏痛。痰涎壅滯。涕唾稠粘。心

神不寧。眼澀睛疼。及鼻塞聲重。咽乾多渴。五心煩熱。小便黃赤。大便秘澀。並宜服之。

白朮

半錢

甘草

炙六錢

當歸

六錢

麻黃

不去節六錢

荊芥穗

六錢

芍藥

六錢

大黃

麩裏煨去麩切焙六錢

右剉散。每服四錢。生薑薄切煎。去滓乳母服。或

兒服。加前胡。生地黃。辰砂。名辰砂七寶散。爲末。

治小兒口瘡。積熱夾驚。傷寒。生薑薄切泡湯調

下一錢。二十問內有七寶洗心散。可兼看參用。

辰砂七寶散

治小兒壯熱傷風壅熱治夾驚傷寒解諸般熱亦治疹痘熱治驚風定搐搦

麻黃

去節半兩

白朮

炒半兩

當歸

半兩酒洗

赤芍藥

半兩

大黃

生半兩

荊芥

穗半兩

前胡

半兩去芦

生地黃

酒洗半兩

甘草

生半兩

急驚加辰砂薄芎調下

右爲末每服三錢傷風發散用生薄芎泡湯下

薄芎散

治乳下嬰兒鼻塞不通及治夾驚傷寒變蒸熱

薄芎葉

半兩

羌活

一錢半

全蝎

一錢半

甘艸

一錢半

麻黃一錢 去節 殭蠶炒 一錢半 天竺黃一錢 白附子一錢半

右爲末。每服三。薄荷湯下。熱極生風。加竹瀝

少許與服。一方有柴胡。台芩。桔梗。茯苓。無全蝎

殭蠶。天竺黃。白附子。

紅綿散

治傷風咳嗽鼻塞。或流清涕。

全蝎五个 去毒 麻黃去節 二錢 殭蠶炒 二錢 白芷一錢

川芎二錢 天麻二錢 甘草一錢 蘇木一錢

右剉。綿少許煎服。有熱加荊芥。一方有大黃。

葱白湯

治頭疼不止身疼渴發熱小便赤黃脉浮數無汗

葛根

半兩

芍藥

半兩

知母

半兩

川芎

一兩

右咬咀每服二錢水一小盞生薑二片葱白三枚煎至七分去滓熱服出汗如有汗溫服加甘草治小兒夾驚傷風并治發瘧頭疼加石膏服嘔者加半夏半兩

羌活湯

解利邪氣傷風

羌活

一錢

人參

一錢

防風

一錢

川芎

一錢

右剉一劑。生薑三片。薄荷七葉。水一盞。煎至七分。不拘時服。加芍藥甘草。

小兒傷寒與時氣同異

第五十二問

或曰小兒傷寒得之與大人無異所異治者兼驚而已
又有因夾驚食而得治法與大人一同但小其分劑
使藥性稍差耳仲景云春氣溫和夏氣炎熱秋氣清
涼冬氣冷冽此則四時正氣之序也冬時嚴寒觸冒
之者乃名傷寒耳其傷于四時之氣皆能爲病冬受
寒毒之氣其卽時而病者頭痛身疼肌膚熱而惡寒
名曰傷寒其不卽時病者寒毒藏于肌膚之間至春
夏陽氣發生則寒毒與陽氣相搏于榮衛之間其病

與冬時卽病無異。但因春而發。名曰溫病。至夏而發。名曰熱病。陽熱未盛。爲寒所制。病名爲溫。陽熱已盛。寒不能制。病名爲熱。故太醫均謂之傷寒也。然熱病傷寒。溫病時氣。傳變無異也。凡時氣者。四時之間。有不正之氣也。爲春應煖而反寒。夏應熱而反冷。秋應涼而反熱。冬應寒而反溫。非其時而有其氣。氣之中人。則頭疼壯熱。咳嗽氣粗。煩渴心躁。恍忽驚悸。傳變與傷寒無異。故一歲之中。病無長少。率相似者。此則時行之氣。俗謂之天行是也。治法三四月或有暴寒。

其時陽氣尚弱。爲寒所折。病熱猶輕。升麻湯解肌湯
主之。五六月陽氣已盛。爲寒所折。病熱則重。七八月
陽氣已衰。爲寒所折。病熱亦微。調中湯射干湯。至夏
桂甘湯。可選用也。秋溫冬溫。治溼則利小便。治冬溫
亦宜解利。其利小便也。則以五苓散輩。其解利冬溫
宜葳蕤湯。蓋冬溫者。感溫氣而作。寒疫者。暴寒折人。
非觸冒之過。其治法不同。所施寒熱溫涼之劑亦異。
不可拘以日數。發汗吐下。隨症施行。要之治熱以寒。
溫而行之。治溫以清。冷而行之。治寒以熱。涼而行之。

治清以溫。熱而行之。以平爲期。不可以過。此爲大法。
湯氏有七寶散加減服之。併與乳母尤好。有熱者加
升麻湯加柴胡黃芩等劑治之。柴胡石膏湯極效。
升麻湯

治小兒時行瘟疫。頭痛發熱。肢體煩疼。及瘡疹
已發未發。疑似之間。治傷寒中風憎寒壯熱。肢
體疼痛。鼻乾不得睡。兼治寒暄不時。人多疾疫。
乍煖脫着。及暑熱之忽變陰寒。身體疼痛。頭重
如石者。亦可加柴胡。無汗加麻黃。

升麻 一錢
葛根 一錢
白芍藥 一錢
甘草 一錢

右咬咀。每服三錢。水一盞。煎至六分。去滓。溫服。

瘡疹亦準此服。藥已身涼。止藥。加紫蘇。茯苓。川

芎名。升麻。蘇葉。散。有熱。加黃芩。咽喉痛。加桔梗。

發丹。加玄參。效。

解肌湯

治傷寒溫病。時行寒疫。頭痛項強。畏寒。肢體拘

急。骨節煩疼。腰脊強痛。胸膈煩悶。無汗。惡風。

葛根 一兩
麻黃 去節 半兩
芍藥 半兩
甘草 半兩

桂枝

二錢半千金方無此一味

右咬咀。每服三錢。水一盞。棗一枚。煎至六分。去

滓。稍熱服。以汗出爲度。夏月加石膏升麻。

各一錢

調中湯

治夏末秋初。忽有暴寒。折于盛暑。熱結于四肢。則壯熱頭疼。寒傷于胃。則下利或血。或赤或白。壯熱迷悶。脉數宜下之。

大黃

七錢半

桔梗

炒半兩

藁本

半兩

茯苓

半兩

甘草

半兩

乾葛

半兩

黃芩

半兩

芍藥

半兩

白朮 半兩

右咬咀白水煎。量大小加減服。得快氣利壯熱便歇去大黃。加黃連枳殼止利尤妙。或加地榆。或加當歸皆可。感風加荊芥。秋宜下。當下大黃。射干湯

治初秋夏月暴雨冷。及天行暴寒。其熱喜伏于內。咳嗽曲折不可得氣。息喉啞失聲。乾嗽無唾。喉中如硬。

半夏

湯泡五錢

生薑

炮四錢

射干

二錢

杏仁

去皮尖二錢